

赴日參觀記

中華民國十六年二月二十日再版



編纂者

鄧

峙

冰

印行者

上海總商會赴日參觀團

發行所

上海總商會月報營業部

上海天后宮橋北塊

代售處

中國各大書局

代印處

華豐印刷鑄字所

發行所上海浙江路三四一號

總工廠滬西林肯路中一百號

赴日參觀記

全書一冊

定價大洋一元

(郵費另加)

序

中日二國。隔海相望。夙通舟航。自漢晉歷隋唐。迄於近世二千餘年間。聘使之往還。文化之師法。事實具在。前人之述備矣。百年以還。歐風東漸。中日二國。迫於時勢。先後捨其閉關政策。以與白人週旋。其始遭遇之艱苦相若。日本見機較捷。明治維新。步武泰西。卒能昌明教政。轉弱爲強。誠不愧爲東西先覺。惜其政府及軍閥。狃於西方式之侵略主義。變本加厲。汲汲焉惟荐食大陸。壟斷利權。是務。結果不特激起我國民之義憤。且引起舉世之猜忌。歐戰告終。列強角逐之目標。移於遠東。在我國爲多難興邦之時。機在日本亦當感於來日應付之大難。於是彼邦人士。陳同文同種之義。倡中日親善之論。騰爲口說。宣之報章者。不一而足。夫日本地非饒食。物料未能自給。工業立國。待賈而足。其食貨製品之市場。惟我國爲大。太平洋之國際形勢。今後異於疇昔。環而伺之者。不讓日本專利。早晚或不免衝突。爲日本前途計。實以與我親善爲有利。復次。欲

維持東亞之和平與安全。首在我國之獨立完整。而不妨害我國之獨立完整。俾與日本爲輔車。以共保東亞之安寧。尤宜由日本首負其責。親善原屬可能。顧誠意與力行何如耳。撤消我國獨立完整之障礙。補救中日間之缺憾。如馬關條約之修正。二十一條之廢止。鐵路及旅大之歸還。侵略政策之拋棄。俱屬當務之急。親善之道。舍此末由。吾儕固願日政府深謀遠慮。幡然改圖。尤望日本國民之大澈大悟。以健全輿論。督促其政府。改善對華政策。實踐知行合一之道也。本年夏初大阪舉行電氣博覽會。上海總商會應日本商會聯合會之招。推同人組織參觀團。代表赴日。斯行要旨。除參觀博覽會及彼國之各大工廠。以資借鏡外。並擬一覘彼國民衆之態度。同時宣達我國真正民意。希望彼方瞭然於兩利互助之不可緩。起而督促其政府改弦更張。俾中日親善。由宣傳而進於實現。遊蹤所及。承彼邦人士熱烈之歡迎。最應感謝。酬酢之際。交換意見。原不可與外交官之折衝樽俎。相提並論。而一堂言歡。從來未有。亦足示兩國民

友誼之一斑。若夫國民外交之成功與否，乃雙方共有之利，共肩之責，願與日本民衆共勗而進行之。他日若幸獲良果，則今茲之盛會，堪稱造因，斯行之記錄，庶幾左券。茲將全人遊歷經過與夫公衆酬酢時彼此發抒之言論彙付剗，公諸國人，以符報告之義。至於工商業考察所見，團員各有專載，彙刊有日，茲不贅。

中華民國十五年十二月虞和德序於上海

序

四

序

近二十年來。中國外交上關係最多。而衝突最甚者。莫如日本。日本之於中國。其國家的利害接觸。較他國爲多。蓋歷年以來。種種懸而未決之交涉問題。與乎中日戰爭以來。國家之葛藤。人民之惡感。不能卽釋。外交當局。亦不能超越乎歷年外交上因循苟且之陋習。而決然樹立根本政策。且以國內政局未平之故。有政治的慾望者。復每思藉外交上之援手。達其政權攘奪之目的。千條萬緒。紊而不清。而對日外交界之黑暗。乃更甚。

嘗謂日本在世界之地位。與中國在世界所處之地位相同。而受歐洲列強之壓迫。與中國所受之壓迫相等。惟彼此在國際間之共同利害。與夫世界之大勢。每爲感情及目前之利害所掩。而衝突乃甚。衝突一次。而雙方國家及國民情感損傷一次。兩害之道也。

近年彼國頗有以中日親善相標榜者。按諸實際。亦不過一圓滑之外交詞令耳。親善云者。必先具有充分之交誼與誠意。凡人與人之交際。無論屬於一方。或雙方。使乏友誼及誠意。則二者之間。決不能發生親密之友愛的關係。如國與國之關係。亦猶是也。故兩國間之親善關係。欲使其日臻濃厚。則兩國民間之熱烈的友誼及誠意。固屬不可少者。同時兩國民間尤宜掃除親善之障礙。不能掃除障礙。即不能互相了解。夫既不能互相了解。則距親善之說遠矣。

最爲中日親善之障礙者。自日本方面言之。每謂中國外交。常取遠交近攻策。是殊不然。去年五卅問題發生。乃中國人民對於英之帝國主義。一種熱烈反對的表示。而於中日兩國間問題。獨能先他國而解決。且解決甚爲圓滿。足見中日國民間已有互相了解之趨勢。至近攻之說。尤非事實。中國四千年之歷史。祇有對於他國侵略而爲抵抗。無對於他國而爲侵略。實不失爲國際之良友。且四五十年來。日本已先中國而進。

步。以中國之地大物博。苟相與提攜。則關於國民經濟。可依兩利的方法。而得無窮之增益。可斷言也。

自中國方面言之。視爲中日親善之障礙者。卽日本最後通牒脅迫而成之二十一條。今日日本果欲掃除中日兩國間親善障礙。宜由日本國民。出自恕道心。及公平的主張。自動的提倡廢止二十一條。則中日間之隔閡。完全消除矣。乃計不出此。近日各報喧傳關於東三省商租權問題。又將開始談判。所謂商租權問題者。卽根據二十一條之第二號二款。日本要求在南滿東蒙自由居住。貿易耕作。並土地所有權。曾憶民國四年日本政府於最後通牒外。附加說明。謂第二號二款。土地租賃購買之件。如能明示租期無制限。且無條件續租之意。卽用商租二字亦可。推斯意也。名爲商租。將來勢之所及。該處土地。到處皆爲日本人所有。其爲侵略中國土地無疑。今又重提商租。着手談判。是又可知日本仍未忘情於二十一條提案精神之所寄矣。本年中日商約。已屆

修改之期。聞東省盛京日報。竟以改約與內地雜居。爲新年徵文題目。中國可否仿照日本當時。以內地雜居爲改約交換條件。乃另一向題。不過日人希望內地雜居。與提議商租權用意。如出一轍。吾人甚以此爲中日親善前途惜也。

原來日本之對外國策。非外務省獨力所能擅斷。又有參謀本部系之參加活動。每一外交問題發生。常呈相異之二種意識。大概參謀本部系與軍閥專斷主義相近。其對中國野心。異常露骨。外務省雖不自由和平政策。然其行動甚狡。吾人夙已知之。最近國民外交。乘時而起。自歐戰結局以來。自由主義戰勝軍閥專斷。所謂德謨克拉西之精神。彌蔓於國際間。日本國民外交。必有以矯正前日參謀本部系外交之失策。而與外務省意志接近。以自由伸張國民自己之真實主張。是則吾人此次遊日所懷感想。而不能自己者也。

本年上海總商會。網羅長江流域實業界重鎮。組織參觀團東遊。其本旨原應日本商

會聯合會之邀請。參觀大阪電氣博覽會。及其他各地工廠。以資將來振興本國實業之參證。及抵彼邦。爲時雖兼旬有餘。每日赴招待會。赴講演會。赴懇談會。及對於新聞記者之談話。其彼邦人士接待之周至。並本團發表之言論。均經彙集成帙。以供衆覽。將來談國民外交者。或將有取乎斯。至各工廠參觀記。團員中以業務關係。各有專注。紀載刊行。稍需時日。今於赴日參觀記之發刊。序其始末如此。

中華民國十五年十二月鄧峙冰謹序

序


中日二國。隔海相望。夙通舟航。自漢晉歷隋唐。迄於近世二千餘年間。聘使之往還。文化之師法。事實具在前人之述備矣。百年以還。歐風東漸。中日二國。迫於時勢。先後捨其閉關政策。以與白人週旋。其始遭遇之艱苦相若。日本見機較捷。明治維新。步武泰西。卒能昌明教政。轉弱爲強。誠不愧爲東西先覺。惜其政府及軍閥。狃於西方式之侵略主義。變本加厲。汲汲焉惟荐食大陸。壟斷利權是務。結果不特激起我國民之義憤。且引起舉世之猜忌。歐戰告終。列強角逐之目標。移於遠東。在我國爲多難興邦之時。機在日本亦當感於來日應付之大難。於是彼邦人士。陳同文同種之義。倡中日親善之論。騰爲口說。宣之報章者。不一而足。夫日本地非饒食。物料未能自給。工業立國。待賈而足。其食貨製品之市場。惟我國爲大。太平洋之國際形勢。今後異於疇昔。環而伺之者。不讓日本專利。早晚或不免衝突。爲日本前途計。實以與我親善爲有利。復次。

維持東亞之和平與安全。首在我國之獨立完整。而不妨害我國之獨立完整。俾與日本爲輔車。以共保東亞之安寧。尤宜由日本首負其責。親善原屬可能。顧誠意與力行何如耳。撤消我國獨立完整之障礙。補救中日間之缺憾。如馬關條約之修正。二十一條之廢止。鐵路及旅大之歸還。侵略政策之拋棄。俱屬當務之急。親善之道。舍此末由。吾儕固願日政府深謀遠慮。幡然改圖。尤望日本國民之大澈大悟。以健全輿論。督促其政府。改善對華政策。實踐知行合一之道也。本年夏初。大阪舉行電氣博覽會。上海總商會應日本商會聯合會之招。推同人組織參觀團。代表赴日。斯行要旨。除參觀博覽會及彼國之各大工廠。以資借鏡外。並擬一覘彼國民衆之態度。同時宣達我國真正民意。希望彼方瞭然於兩利互助之不可緩。起而督促其政府改弦更張。俾中日親善。由宣傳而進於實現。遊蹤所及。承彼邦人士熱烈之歡迎。最應感謝。酬酢之際。交換意見。原不可與外交官之折衝樽俎。相提並論。而一堂言歡。從來未有。亦足示兩國民

上海總商會參觀團攝影體全團參日赴會總海上

九月廿五

民國



赴日參觀記目次

序

插圖

一 赴日參觀團之組織

一——六

參觀團簡則

團員姓名表

參觀團職員表

二 日程

七——一八

赴日參觀日程（從十五年五月二十日至六月十五日）

三 招待會

一九——二一四

長崎市役所商業會議所在迎陽亭主催歡迎宴會

神戸商業會議所在常磐花壇主催歡迎宴會

赴日參觀記

一